



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04) i člana 4. Odluke o dodjeli sredstava za sufinansiranje troškova ekskurzije za djecu slabijeg imovnog stanja („Službene novine Kantona Sarajevo“, broj: 9/20, Odluke o izmjenama odluke o dodjeli sredstava za sufinansiranja troškova ekskurzije za djecu slabijeg imovnog stanja broj: 13-11-3301/22 od 27.4.2022. godine Općinski načelnik upućuje

JAVNI POZIV

za dodjelu sredstava za sufinansiranje troškova ekskurzije djece slabijeg imovnog stanja

1. PRAVO NA PODRŠKU:

Mogu ostvariti učenici završnih razreda osnovnih i srednjih škola koji redovno pohađaju školu i koji ispunjavaju slijedeće uslove:

- a) da imaju prebivalište na području općine Centar Sarajevo;
- b) da ukupna primanja domaćinstva ne prelaze iznos od 1.000,00 KM.

Ekskurzija predstavlja oblik odgojno-obrazovnog rada koji se ostvaruje kroz višednevna putovanja i boravak učenika završnih razreda osnovne i srednje škole u pratnji zaposlenika škole, koje organizuje i realizuje škola u saradnji sa turističkom agencijom i koja kao takva obavezno uključuje "turistički paket/aranžman" i to radi posjete prirodnim, obrazovnim, kulturnim, sportskim, turističkim i tehničkim odredištima izvan sjedišta škole, a u skladu sa zadacima ovog odgojno -obrazovnog oblika rada.

2. NAČIN DODJELE NOVČANIH SREDSTAVA

Sredstva za sufinansiranje troškova ekskurzije dodjeljivat će se na osnovu podnesenih zahtjeva i iznosit će:

- a) do 200,00 KM za učenike završnih razreda osnovne škole;
- b) do 400,00 KM za učenike završnih razreda srednjih škola.

Ukoliko su troškovi ekskurzije manji od navedenih iznosa, Općina će finansirati iznos stvarnih troškova.

3. POTREBNA DOKUMENTACIJA

Podnosioci zahtjeva obavezni su uz prijavu dostaviti slijedeće dokumente (original ili ovjerene kopije):

- a) CIPS prijava o mjestu prebivališta učenika (ne starija od 6 mjeseci);
- b) obavijest/potvrda škole o izabranoj turističkoj agenciji, ukupnoj cijeni aranžmana po učeniku, sa navedenim brojem transakcijskog računa agencije,
- c) kućnu listu,
- d) dokaze o primanjima odnosno školovanju članova domaćinstva (platna lista za zaposlene, za nezaposlene potvrdu o nezaposlenosti, a ako nisu prijavljeni kod Zavoda, uvjerenje Federalnog zavoda PIO/MIO da nisu na evidenciji; potvrdu o redovnom školovanju člana porodice)

Zahtjev sa dokumentacijom podnosi se službi nadležnoj za oblast obrazovanja elektronskim putem, preporučeno putem pošte ili na protokol Općine Centar Sarajevo, ulica Mis Irbina 1.

Za sve dodatne informacije zainteresovana lica mogu pozvati broj telefona 033/562-474.

Javni poziv će biti otvoren tokom cijele 2022. godine, odnosno do utroška sredstava za ovu namjenu.